

**Bosna i Hercegovina**  
**-Federacija Bosne i Hercegovine-**  
**TUZLANSKI KANTON**  
**Skupština**  
**-Služba Skupštine-**

**Broj: 02-11-525-15/23**

**Datum: 03.11.2023. godine**

Na osnovu člana 70. st. (1) i (3) i člana 89. stav (1) Zakona o javnim nabavkama ("Službeni glasnik Bosne i Hercegovine", br: 39/14 i 59/22), i preporuke Komisije za provođenje konkurentskog postupka javne nabavke roba – goriva za putnička motorna vozila Skupštine Tuzlanskog kantona date u Zapisniku o ocjeni ponuda broj: 02-11-525-14/23 od 02.11.2023. godine, sekretar Skupštine Tuzlanskog kantona donosi

**ODLUKU**  
**o izboru najpovoljnijeg ponuđača**

**I.**

Prihvata se preporuka Komisije za provođenje konkurentskog postupka javne nabavke roba – goriva za putnička motorna vozila Skupštine Tuzlanskog kantona date u Zapisniku o ocjeni ponuda broj: 02-11-525-14/23 od 02.11.2023. godine, te će se ugovor zaključiti sa ponuđačem Hifa-Petrol d.o.o. Sarajevo, koji je dostavio tehnički zadovoljavajuću ponudu broj: JN-4349/23 od 23.10.2023. godine, zaprimljenu pod brojem 02-11-525-9/23 od 01.11.2023. godine, sa cijenom od 8.940,50 KM bez PDV.

**II.**

Ugovor o javnoj nabavci dostavit će se na potpis izabranom ponuđaču Hifa-Petrol d.o.o. Sarajevo po proteku roka od 10 dana, računajući od dana prijema ove odluke od strane izabranog ponuđača.

Izabrani ponuđač je dužan u roku od 5 dana od dana prijema ove odluke dostaviti dokumente zahtijevane tenderskom dokumentacijom iz člana 45. Zakona o javnim nabavkama, a u slučaju da izabrani ponuđač propusti u određenom roku dostaviti tražene dokumente, ovaj postupak javne nabavke biti će poništen.

**III.**

Ova odluka stupa na snagu danom donošenja i objavit će se na internet stranici Skupštine Tuzlanskog kantona, te dostaviti ponuđačima koji su učestvovali u postupku javne nabavke.

**IV.**

Sastavni dio ove odluke je Zapisnik o ocjeni ponuda broj: 02-11-525-14/23 od 02.11.2023. godine.

**OBRAZLOŽENJE**

Postupak javne nabavke pokrenut je Odlukom o pokretanju postupka javne nabavke broj: 02-11-525-1/23 od 18.10.2023. godine, putem konkurentskog postupka javne nabavke, a procijenjena vrijednost javne nabavke je 10.256,40 KM bez PDV.

Obavještenje o nabavci broj: 1062-7-1-99-3-33/23 od 19.10.2023. godine u 10:34 sati, objavljeno je na Portalu javnih nabavki zajedno sa cjelokupnom tenderskom dokumentacijom.

Kriteriji za dodjelu ugovora shodno odredbama člana 64. Zakona o javnim nabavkama je najniža cijena tehnički zadovoljavajuće ponude.

Za predmetnu nabavku, tendersku dokumentaciju ponuđači su mogli preuzeti samo putem Portala javnih nabavki.

Putem Portala javnih nabavki dana 20.10.2023. godine, postavljena su dva pitanje od strane ponuđača u vezi sa objavljenom tenderskom dokumentacijom, na koje je ugovorni organ isti dan odgovorio, i izvršio izmjene tenderske dokumentacije, te sve objavio na Portalu javnih nabavki.

Komisija za provođenje predmetnog postupka javne nabavke imenovana Rješenjem broj: 02-11-525-2/23 od 18.10.2023. godine (u daljem tekstu: Komisija), je dana 01.11.2023. godine u 10,30 sati, u prostorijama Službe Skupštine Tuzlanskog kantona izvršila javno otvaranje ponuda i sačinila Zapisnik o otvaranju ponuda, koji je dostavljen ponuđačima koji su dostavili ponude.

Nakon otvaranja ponude Komisija je izvršila pregled i ocjenu ponuda, te sačinila Zapisnik o ocjeni ponude broj: 02-11-525-14/23 od 02.11.2023. godine, u kojem je konstatovano sljedeće:

“Prilikom otvaranja ponuda dana 01.11.2023. godine, konstatovano je da su u navedenom postupku prispjele dvije ponude, i to od ponuđača:

1. Energopetrol d.o.o. Sarajevo , sa ukupnom cijenom u iznosu od 8.879,50 KM bez PDV i
2. Hifa-Petrol d.o.o. Sarajevo, sa ukupnom cijenom u iznosu od 8.940,50 KM bez PDV.

Detaljnou analizom prispjelih ponuda Komisija je konstatovala da je ponuda ponuđača Hifa-Petrol d.o.o. Sarajevo tehnički zadovoljavajuća ponuda jer zadovoljava sve selekzione kriterije uspostavljene u tenderskoj dokumentaciji i ista je ocijenjena prihvatljivom., a za ponudu ponuđača Energopetrol d.d. Sarajevo je konstatovano da je nepravilna jer Obrazac za cijenu ponude nije popunjen u skladu sa zahtjevima u tenderskoj dokumentaciji u kojoj je propisano da “U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.”

Ponuđač Energopetrol d.d. Sarajevo je u Obrascu za cijenu ponude pogrešno popunio stavku “Jedinična cijena po stavki bez PDV i sa popustom”, u kojoj je naveo ukupnu cijenu tražene količine roba bez PDV umjesto jedinične cijene traženih roba sa eventualno uključenim popustom i bez PDV.

Komisija je na osnovu svega naprijed navedenog preporučila da se u ovom postupku javne nabavke Ugovor za nabavku goriva za putnička motorna vozila Skupštine Tuzlanskog kantona zaključi sa ponuđačem Hifa-Petrol d.o.o. Sarajevo, sa ukupnom cijenom ponude u iznosu od 8.940,50 KM bez PDV, čija je ponuda ocijenjena prihvatljivom”

U postupku ocjene provedenog postupka, nisu uočeni propusti niti nepravilnosti u radu koji bi eventualno bili osnov za neprihvatanje preporuke Komisije. Izbor najpovoljnijeg ponuđača je izvršen u skladu sa Zakonom o javnim nabavkama, podzakonskim propisima i tenderskom dokumentacijom.

Shodno gore navedenom odlučeno je kao u dispozitivu ove odluke.

#### POUKA O PRAVNOM LIJEKU:

U skladu sa članom 101. stav (5) Zakona o javnim nabavkama protiv ove odluke može se izjaviti žalba ugovornom organu u roku od 5 dana od dana prijema ove odluke, na način propisan čl. 99. i 105. Zakona o javnim nabavkama.

Dostavljeno:  
1 x a/a  
2x Ponuđačima



Sekretar  
Skupštine Tuzlanskog kantona  
*Enisa Hasanagić*  
Enisa Hasanagić